

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava u razdjelu 21 - Ministarstva zdravstva na poziciji „Tekući transfer za JU Kantonalna bolnica Zenica za edukaciju doktora medicine i stomatologije i doktora sekundaraca“ - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 10/26), na prijedlog Ministarstva zdravstva, Vlada Zeničko-dobojskog kantona, na 128. sjednici, održanoj 08.05.2026. godine,  
d o n o s i

## **ODLUKU**

### **o odobravanju sredstava JU Kantonalna bolnica Zenica za sufinansiranje troškova za edukaciju doktora medicine i stomatologije na specijalizaciji i doktora sekundaraca u 2026. godini**

#### **Član 1.**

##### **(Predmet)**

(1) Odobravaju se sredstva JU Kantonalna bolnica Zenica u ukupnom iznosu od 5.000.000,00 KM (slovima: petmiliona konvertibilnih maraka) za sufinansiranje troškova za edukaciju doktora medicine i stomatologije na specijalizaciji i doktora sekundaraca u 2026. godini.

(2) Odobrena sredstva odnose se na isplaćene bruto plate doktora medicine i stomatologije na specijalizaciji i doktora sekundaraca za period januar-decembar 2026. godine.

#### **Član 2.**

##### **(Analitička konta)**

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX018, pozicija „Tekući transfer JU Kantonalna bolnica Zenica za edukaciju doktora medicine i stomatologije na specijalizaciji i doktora sekundaraca“.

(2) Sredstva odobrena Odlukom će se transferisati na žiro-račun JU Kantonalna bolnica Zenica, broj: 1413065320342488 otvoren kod BBI banke, na osnovu Odluke, sljedećom dinamikom:

a) iznos od 1.640.000,00 KM (slovima: milionšeststotinačetrdeset konvertibilnih maraka) za obračunate bruto plate za period januar - april 2026. godine po donošenju Odluke,

b) iznos od po 420.000,00 KM (slovima: četiristotinedvadesethiljada konveribilnih maraka) za bruto plate za period maj - decembar 2026. godine do 30. u tekućem mjesecu za obračunatu bruto platu za tekući mjesec.

#### **Član 3.**

##### **(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

**Član 4.**  
**(Izvještavanje)**

(1) JU Kantonalna bolnica Zenica obavezna je izvijestiti Ministarstvo zdravstva o namjenskom utrošku sredstava dostavljanjem privremenih mjesečnih izvještaja i konačnog izvještaja za 2026. godinu. Privremeni mjesečni izvještaji dostavljaju se u sljedećim rokovima:

- a) za plate za period januar - april 2026. godine do 31.05.2026. godine,
- b) za plate za period maj - decembar 2026. godine do 30. u tekućem mjesecu za prethodni mjesec.

(2) Privremeni mjesečni izvještaji iz člana 3. stav (1) ove odluke dostavlja se u tabelarnom obliku za svaku mjesečnu isplatu i treba da sadrže: redni broj, šifru specijalizanta /sekundarca, naziv specijalizacije, iznos bruto plate za svakog pojedinačnog specijalizanta/sekundarca i ukupan iznos bruto plata za jedan mjesec.

(3) Konačan izvještaj o svim specijalizacijama koje su sufinansirane iz sredstava Budžeta Zeničko-dobojskog kantona za 2026. godinu dostavlja se do 31.01.2027. godine.

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-9365/26  
Datum, 08.05.2026. godine  
Zenica

**PREMIJER**

*Nezir Pivić*

DOSTAVLJENO:

- 1x Ministarstvo zdravstva,
- 1x Ministarstvo finansija,
- 1x JU Kantonalna bolnica Zenica, putem Ministarstva,
- 1x „Službene novine Zeničko-dobojskog kantona“,
- 1x a/a.